

Buletin Rasmi Yayasan Pengaman Malaysia (PENGAMAN)

BIL 2/2015 (12)



Aktiviti Dan Program

Yayasan Pengaman Malaysia Sepanjang April Hingga Jun 2015

- Kursus Anak Remaja Berawasana (AKRAB) Siri 3 Dan 4
- Kelas Tambahan Untuk Pelajar SPM
- Kursus Peralihan Persaraan Bakal Pesara Polis Diraja Malaysia Siri 4 Hingga 6
- Kursus Keibubapaan Cemerlang Siri 2 hingga 3
- Program Santai Bersama Ketua Polis Negara
- Kajian PENGAMAN Research, Exchange, Drugs, Immigrants, Crime, Transformation, (PREDICT)
- Pengenalan Laman Web Rasmi Yayasan Pengaman Malaysia



Program Santai Bersama Ketua Polis Negara



Program Keibubapaan Cemerlang



Kursus Peralihan Bakal Pesara PDRM

Alamat Surat menyurat

Yayasan Pengaman Malaysia, Wisma Sunway, Mezzanine Floor,
Jalan Tengku Ampuan Zabedah, C9/C, Seksyen 9

40100 Shah Alam, Selangor

Tel : 03-55101093

Faks : 03-55101028



Kursus Anak Remaja Berawasana

Kursus Anak Remaja Berwawasan (AKRAB)



Kursus Anak Remaja Berwawasan (AKRAB) diteruskan untuk siri yang ke 3 dan 4. Untuk siri yang ke-3 ianya telah diadakan di Mes Graysands, Port Dickson, Negeri Sembilan untuk anak-anak polis Kontinjen Negeri Sembilan pada 17 hingga 19 April 2015. Seramai 80 orang anak-anak polis yang berumur 15 hingga 17 tahun dari Kontinjen ini telah menyertai kursus yang dianjurkan ini. Bagi siri yang ke-4 pula, ianya telah diadakan di Pusat Latihan Polis (PULAPOL) Dungun, Terengganu pada 14 hingga 16 Mei 2015 untuk anak-anak polis Kontinjen Terengganu. Seramai 80 orang anak-anak polis telah menyertai kursus ini. Bagi menjayakan kursus ini, Yayasan Pengaman Malaysia telah bekerjasama dengan tenaga pakar dalam bidang kaunseling dan motivasi dari Universiti Pendidikan Sultan Idris (UPSI) yang telah menggunakan Modul Prodigy.



Kelas Tambahan Anjuran Yayasan Pengaman Malaysia



Yayasan Pengaman Malaysia (PENGAMAN) telah menganjurkan Program Kelas Tambahan Percuma untuk anak-anak anggota polis yang berpangkat rendah di Kompleks Perumahan Polis Seksyen 20 Shah Alam, Selangor. Program ini telah bermula pada awal April 2015 dan ianya merupakan siri pertama dan dijangka akan diadakan untuk tempat yang lain mengikut kesesuaian tempat dan juga peruntukan. Seramai 15 orang pelajar telah menyertai program ini dan mereka adalah terdiri daripada pelajar yang akan menduduki Peperiksaan Sijil Pelajaran Malaysia (SPM).

Beberapa orang tenaga pengajar yang mahir dan berpengalaman telah dipilih bagi menjalankan kelas tambahan ini. Antara mata pelajaran yang telah dipilih untuk diberikan fokus ialah Bahasa Inggeris, Bahasa Malaysia, Sains, dan Matematik. Matlamat utama program ini ialah meringankan dan membantu keluarga anggota PDRM yang berpangkat rendah dalam kos pembelajaran anak-anak yang semakin meningkat. Semoga hasrat dan usaha murni PENGAMAN ini akan memberikan kejayaan kepada anak-anak yang akan menghadapi peperiksaan.



Kursus Peralihan Bakal Pesara PDRM Siri 4-6/2015



Siri 4, Promanade Hotel, Tawau, Sabah



Siri 5, Tanjung Vista Hotel, Kuala Terengganu, Terengganu



Siri 6, Grand Bluewave Hotel, Shah Alam, Selangor



Pendaftaran Peserta



YBhg Dato Robiah Abdul Ghani
Menyampaikan Taklimat Kursus



YBhg Dato Robiah Abdul Ghani dan
YBhg Dato Kamaruddin Mat Desa
Menyampaikan Taklimat Kursus



YBhg Tan Sri Hussin Hj Ismail dan
YBhg Puan Azura Izham

Kursus Peralihan Bakal-bakal Pesara Polis Diraja Malaysia (PDRM) anjuran Yayasan Pengaman Malaysia (PENGAMAN) diteruskan lagi untuk siri 4 hingga 6 bagi tahun 2015. Untuk siri yang ke 4 ianya telah diadakan di Promanade Hotel, Tawau Sabah pada 20 hingga 23 April 2015 dan siri yang ke-5 pula telah diadakan di Tanjong Vista Hotel, Kuala Terengganu, Terengganu pada 25 hingga 28 Mei 2015. Siri ke-6 telah diadakan di Grand Bluewave Hotel, Shah Alam, Selangor pada 8 hingga 11 Jun 2015. Untuk setiap siri, seramai 40 orang peserta telah menyertai yang terdiri daripada pegawai dan anggota.

Pelbagai ilmu yang bermanfaat dan berkaitan telah diberikan kepada peserta untuk dijadikan panduan dan juga rujukan apabila sudah bersara kelak. Antara ilmu yang telah diberikan ialah ilmu dari Pengrusan Wang Ringgit yang telah disampaikan oleh En Awang bin Musran, Timbalan Presiden Bank Muamalat, Pengurusan Harta Pusaka dan pembahagian harta mengikut sistem faraid yang telah disampaikan oleh wakil Amanah Raya Berhad. Selain dari itu, ceramah kesihatan dari Kementerian Kesihatan juga turut diberikan dan ceramah Motivasi dari YBhg Tuan Haji Hushim Salleh seorang pakar motivasi dan kaunseling . Penerangan menegenai faedah-faedah pesaraan dari Unit Pencen PDRM turut diberikan kepada peserta kursus dan mereka boleh bertanya soalan-soalan yang berkaitan agar tiada kekeliruan mengenai faedah-faedah pesaraan yang bakal diterima. Bagi memantapkan rohani, ceramah agama dari Bhagaian Agama Dan Kaunseling (BAKA) turut diselitkan dalam program kursus bagi setiap siri.



YBhg Tuan Haji Hushim Salleh
Menyampaikan Ceramah
Motivasi



YBhg Dato Wira Ayub Yaakob
Dalam Sesi Soal Jawab



Penerangan
Faedah-Faedah Pesaraan



En Awang
Musran,Timbalan Presiden
Bank Muamalat



Sesi Taklimat



Kursus Keibubapaan Cemerlang Siri 2 Hingga 5, 2015



Majlis Perasmian Untuk Siri 2 Hingga 5, 2015

Gambar Aktiviti Sepanjang Kursus Berlangsung



Aktiviti Selangan



Kasih Sayang Antara Peserta



Pasangan Suami Isteri yang Hadir Sebagai Peserta

Kursus Keibubapaan Cemerlang diteruskan lagi sepanjang bulan Februari hingga Jun untuk siri yang ke 2 hingga 6 bagi tahun 2015 . Kursus anjuran Yayasan Pengaman Malaysia (PENGAMAN) dengan kerjasama *Hushim Motivational & Consultancy* (HMCC) ini telah diadakan sejak tahun 2014. Kursus ini adalah terbuka untuk semua anggota PDRM yang sudah berkeluarga khususnya.

Siri yang ke-2 telah diadakan di Kem Brigid Tengah, Cheras pada 29 April 2015 dan seramai 200 orang peserta telah menyertai kursus ini. Siri yang ke-3 pula telah diadakan pada 13 Mei 2015 bertempat di Ibu Pejabat Polis Kontinjen (IPK) Melaka. Kursus ini, diteruskan lagi untuk siri yang ke-4 pada 20 Mei 2015 bertempat di Ibu Pejabat Polis Kontinjen (IPK) Kedah dan seramai 250 orang peserta telah mengikuti kursus ini. Siri yang 5 untuk tahun 2015 telah diadakan di Kem Brigid Tenggara, Kuantan, Pahang pada 16 Jun 2015 dan dianggarkan seramai 220 orang peserta telah menyertainya. Semua peserta yang menyertai kursus ini sangat berpuas hati dan mereka mengharapkan kursus seperti ini diadakan lagi pada masa akan datang.

Semoga matlamat kursus ini dalam memberikan ilmu kepada peserta dalam menjaga hubungan antara suami isteri, ibubapa, dan juga anak-anak bagi menjaga dan mewujudkan kasih sayang dan seterusnya membentuk keluarga yang lebih cemerlang dari segala aspek. Selain daripada memfokuskan kepada keluarga, kursus ini juga telah menekankan nilai kasih sayang dan hormat-menghormati yang harus dijaga diantara rakan di tempat kerja.



Program Santai Bersama KETUA Polis Negara



YDH Tan Sri Khalid Abu Bakar, Ketua Polis Negara, YBhg. Tan Sri Norian Mai, Pengurus PENGAMAN, Bergambar Kenangan Bersama Peserta

Gambar Sepanjang Program Berlangsung



YDH Tan Sri Khalid Abu Bakar Mengalukan Kehadiran



Sesi Soal Jawab Dan Sembang Santai Bersama Ketua Polis Negara

Yayasan Pengaman Malaysia (PENGAMAN) telah menganjurkan Program Santai Bersama YDH Tan Sri Khalid Abu Bakar, Ketua Polis Negara pada 19 Mei 2015 bertempat di Pine38 Restaurant, Seksyen 9, Shah Alam, Selangor. Turut hadir dalam program ini ialah YBhg Tan Sri Norian Mai. Tujuan utama program ini adalah untuk memberikan peluang kepada penggiat media sosial seperti *Twitter*, *Facebook*, dan juga *Bloggers* untuk berjumpa Ketua Polis Negara bagi membincangkan isu-isu semasa yang selalu menjadi perbualan hangat dan viral di media sosial. Seramai 40 orang penggiat media sosial telah menghadiri program ini dan mereka adalah terdiri daripada golongan profesional dan juga pelajar Institut Pengajian Tinggi (IPT).

Dalam program yang hanya berlangsung selama 2 jam ini, banyak perkara telah dikongsikan bersama dan banyak juga pertukaran dan perbincangan idea yang berasas telah difikirkan. Semoga dengan program seperti ini, ia mampu untuk menaikkan imej baik Polis Diraja Malaysia (PDRM) dan bersama-sama menyumbang kearah keamanan dan kesejahteraan masyarakat walaupun hanya melalui media sosial. Sesungguhnya penggunaan dan pengaruh media sosial pada masa kini adalah satu medium yang mampu memberikan impak yang besar.



Pengaman Research, Exchange, Drugs, Immigrants, Transformations (PREDICT)

Yayasan Pengaman Malaysia telah merancang dalam menghasilkan satu kajian mengenai isu-isu gejala yang semakin berleluasa. Kajian ini telah dikenali sebagai **Pengaman Research, Exchange, Drugs, Immigrants, Transformations (PREDICT)**. Ianya adalah program pengumpulan data dan maklumat, berasaskan program penyelidikan tindakan dan penglibatan masyarakat ke arah membina suatu peningkatan kesedaran dan keupayaan masyarakat supaya bekerjasama memupuk nilai-nilai baik tentang keamanan, keharmonian dan ketenteraman awam. Kajian ini telah memfokuskan kepada masalah pekerja asing yang telah menimbulkan pelbagai isu dan juga masalah kepada Negara. Selain daripada itu, kajian ini juga turut memfokuskan kajian terhadap kesejahteraan hidup anggota dan juga pesara PDRM. Kajian ini telah diketuai oleh salah seorang Tokoh Akademik yang merupakan Ahli Lembaga Pemegang Amanah PENGAMAN iaitu YBhg Prof. Emeritus Dato' Dr. Sulaiman Md Yassin. Beliau telah mengerakkan kajian ini bersama Institut Pengajian Sosial (IPSAS) Universiti Putera Malaysia (UPM). Kajian ini dijangka akan siap sepenuhnya pada Julai 2015.

Bagi menjayakan kajian ini, pihak IPSAS telah melakukan beberapa kaji selidik dan juga temuramah diseluruh Malaysia bagi mendapatkan responden yang terbaik. Mereka juga turut menemuramah Kementerian Dalam Negeri, Ketua Polis Negara, Kedutaan Thailand, dan juga Kedutaan Indonesia. Semoga dengan terhasilnya kajian ini, ianya mampu menyumbang kepada keamanan dan kejahteraan Negara disamping menjaga dan memperbaiki kebijakan PDRM.



YBhg Tan Sri Norian Mai dan Ahli Penyelidik IPSAS



Prof. Emeritus Dato' Dr. Responden Pulau Pinang
Sulaiman Md Yassin



Responden PGA 14 Tawau




Responden
Dari PGA 15
Sandakan

Pengenalan Laman Web Rasmi Yayasan Pengaman Malaysia

Yayasan Pengaman Malaysia (PENGAMAN) kini telah mempunyai laman web sendiri yang boleh dilayari oleh umum. Kemudahan laman web ini adalah bertujuan untuk mendekat PENGAMAN kepada masyarakat terutamanya warga pesara polis, bekas polis, dan juga anggota yang masih bertugas. Dalam laman web ini, ianya akan sentiasa memaparkan berkenaan aktiviti yang akan dilaksanakan dan juga info-info terkini dari PENGAMAN. Laman web tersebut ialah www.pengaman.my. Selain daripada laman web, PENGAMAN juga turut memberikan kemudahan aplikasi telefon yang boleh dimuat turun oleh pengguna *Android* dan juga *Apple*.

PENGAMAN telah melantik syarikat *Heritage Forte Sdn Bhd* untuk membangunkan laman web dan aplikasi telefon tersebut. Semoga apa yang dipaparkan di laman web PENGAMAN ianya mampu untuk dijadikan bahan bacaan dan juga rujukan untuk semua.



Muka Depan Laman
Web PENGAMAN

Pembentangan Laman Web



YBhg Tan Sri Norian Memberikan Komen